

STJÓRNARTÍÐINDI B 83 – 1996

4. nóvember 1996

1489

Nr. 582

SAMÞYKKT

um breytingu á samþykkt um stjórn Mosfellsbæjar og fundarsköp bæjarstjórnar nr. 371/1987, sbr. samþykkt nr. 140/1996.

1. gr.

Eftirfarandi breytingar verða á 6. gr. samþykktarinnar:

a. 1. tölul. orðast svo:

Að kjósa forseta og varaforseta bæjarstjórnar, bæjarráð og aðrar nefndir, ráð og stjórnir skv. VI. kafla sveitarstjórnarlaga, sbr. og V. kafla samþykktar þessarar, svo og að kjósa fulltrúa í samstarfsnefndir, -ráð og -stjórnir sem sveitarfélagið á aðild að á hverjum tíma. Að kjósa skoðunarmenn til að annast endurskoðun ársreikninga bæjarins skv. VIII. kafla sveitarstjórnarlaga. Ennfremur að ráða bæjarstjóra og aðra fasta starfsmenn í helstu stjórnunarstöður hjá bænum og stofnunum hans skv. VII. kafla fyrrnefndra laga, sbr. og VI. kafla þessarar samþykktar.

b. Í stað orðanna „ráða helstu starfsmenn hans“ í 4. tölul. kemur: starfsmannastefnu.

2. gr.

Í stað orðsins „bæjarins“ í lok 1. tölul. 1. mgr. 15. gr. samþykktarinnar kemur: í helstu stjórnunarstöður bæjarins og stofnana hans.

3. gr.

Á eftir 1. mgr. 35. gr. samþykktarinnar kemur ný málsgrein sem orðast svo:

Heimilt er að skrá fundargerðir í tölvu. Sé það gert skal bóka í gerðabók bæjarstjórnar númer fundar, hvar og hvenær fundurinn er haldinn og að fundargerð sé færð í tölvu. Þá skal færa í gerðabók fundarslit og greina blaðsíðutal fundargerða. Bæjarfulltrúar skulu rita nöfn sín við slit fundar í gerðabók. Forseti bæjarstjórnar og a.m.k. einn fundarmanna skulu setja upphafsstafi sína undir hverja blaðsíðu fundargerða sem blaðsíðusettar skulu vera í áframhaldandi töluröð. Undirritaðar fundargerðir skulu reglulega bundnar inn í fundargerðabók bæjarstjórnar til varanlegrar varðveislu.

4. gr.

53. gr. samþykktarinnar orðast svo:

Bæjarráð fer ásamt bæjarstjóra með framkvæmdastjórn bæjarins, fjármálastjórn og starfsmannastjórn að því leyti sem slík stjórn er ekki öðrum falin. Bæjarráð hefur umsjón með stjórnslu bæjarins, undirbúningi árlegrar fjárhagsáætlunar, semur drög að fjárhagsáætlun bæjarsjóðs og bæjarfyrirtækja að fengnum tillögum hlutaðeigandi nefnda og leggur þau fyrir bæjarstjórn í samræmi við ákvæði sveitarstjórnarlaga. Þá sér bæjarráð um að ársreikningar bæjarsjóðs séu samdir og þeir ásamt ársreikningum bæjarstofnana lagðir fyrir bæjarstjórn til afgreiðslu, svo sem sveitarstjórnarlög mæla fyrir um.

Bæjarráð gerir tillögur til bæjarstjórnar um afgreiðslu einstakra mála sem það fær til meðferðar. Bæjarráð fjallar um og gerir tillögur til bæjarstjórnar um afgreiðslu á þeim

dagskrárliðum í fundargerðum nefnda sem snerta fjárhag bæjarins, fjalla um starfsmannamál, verklegar framkvæmdir, samninga, samþykktir og dómsmál.

Bæjarráði er heimil fullnaðarafgreiðsla mála sem ekki varða verulega fjárhag bæjar-sjóds eða stofnana hans, enda sé ekki ágreiningur milli bæjarráðsmanna eða við bæjarstjóra um slíka afgreiðslu. Bæjarráð ákveður skiptingu og ráðstöfun fjár sem ætlað er til einstakra málaflokka skv. fjárhagsáætlun, s.s. til gatnagerðar, nýbygginga og óvissra útgjalda.

Þá getur bæjarstjórn falið bæjarráði fullnaðarafgreiðslu mála nema lög mæli á annan veg.

5. gr.

Við 60. gr. samþykktarinnar bætist ný málsgrein, sem orðast svo:

Heimilt er að skrá fundargerðir í tölvu. Sé það gert skal bóka í gerðabók nefndarinnar númer fundar, hvar og hvenær fundurinn er haldinn og að fundargerð sé færð í tölvu. Þá skal færa í gerðabók fundarslit og greina blaðsíðutal fundargerða. Nefndarfulltrúar skulu rita nöfn sín við slit fundar í gerðabók. Formaður nefndar og a.m.k. einn fundarmanna skulu setja upphafsstafi sína undir hverja blaðsíðu fundargerða sem blaðsíðusettar skulu vera í áframhaldandi töluröð. Undirritaðar fundargerðir skulu reglulega bundnar inn í fundargerðabók nefndarinnar til varanlegrar varðveislu.

6. gr.

62. gr. samþykktarinnar orðast svo:

Bæjarstjórn kýs í eftirtaldar nefndir, ráð og stjórnir:

(i) Nefndir. Hér er um að ræða fagnefndir sem sinna faglegu starfi þeirra málaflokka sem þeim hafa verið falin af bæjarstjórn með sérstökum samþykktum.

A. Bæjarstjórn kýs, til eins árs, á fundi í júní ár hvert:

1. *Bæjarráð.* Þrjá aðalfulltrúa úr bæjarstjórn sem aðalmenn og jafnmarga til vara skv. ákvæðum sveitarstjórnarlaga.
2. *Kjörstjórnir.* Þrjá fulltrúa og jafnmarga til vara í yfirkjörstjórn. Undirkjörstjórnir jafnmargar og kjördeildir eru: Þrjá aðalmenn í hverja og jafnmarga varamenn. Kjörstjórnir fara með þau verkefni sem þeim eru falin skv. ákvæðum laga um kosningar til sveitarstjórna. Þær gegna jafnframt störfum kjörstjórna við forseta- og alþingiskosningar.

B. Bæjarstjórn kýs, til sama tíma og kjörtímabil bæjarstjórnar, á fyrsta eða öðrum fundi að afloknum bæjarstjórnarkosningum:

1. *Atvinnu- og ferðamálanefnd.* Fimm aðalmenn og jafnmarga til vara. Bæjarstjórn kýs formann og varaformann nefndarinnar. Nefndin fer með atvinnu- og ferðamál eftir því sem nánar er kveðið á um í samþykkt bæjarstjórnar um hana.
2. *Byggingarnefnd.* Fimm aðalmenn og jafnmarga til vara. Bæjarstjórn kýs formann og varaformann nefndarinnar. Nefndin fer með byggingarmál samkvæmt byggingarlögum, auk annarra verkefna sem bæjarstjórn felur nefndinni með sérstakri samþykkt.
3. *Félagsmálanefnd.* Fimm aðalmenn og jafnmarga til vara. Bæjarstjórn kýs formann og varaformann nefndarinnar. Nefndin fer með félagsmál eftir því sem kveðið er á um í lögum um félagsþjónustu sveitarfélaga og í samþykkt bæjarstjórnar um nefndina. Nefndin fer með verkefni áfengisvarnarnefndar skv. áfengislögum og verkefni barnaverndarnefndar skv. lögum um vernd barna og ungmenna. Fulltrúar í félagsmálanefnd eru jafnframt fulltrúar í stjórnarnefnd vinnumiðlunar samkvæmt lögum um vinnumiðlun.
4. *Framkvæmdanefnd.* Fimm aðalmenn og jafnmarga til vara. Bæjarstjórn kýs formann og varaformann nefndarinnar. Nefndin hefur umsjón og eftirlit með verklegum framkvæmdum á vegum bæjarins eftir því sem nánar er kveðið á um í samþykkt bæjarstjórnar um nefndina.

5. *Húsnæðisnefnd*. Þrjá aðalmenn og þrjá til vara. Bæjarstjórn kýs formann og varaformann nefndarinnar. Um verkefni nefndarinnar fer eftir því sem nánar er kveðið á um í lögum um Húsnæðisstofnun ríkisins og samþykkt bæjarstjórnar um nefndina.
 6. *Menningarmálanefnd*. Fimm aðalmenn og jafnmarga til vara. Bæjarstjórn kýs formann og varaformann nefndarinnar. Menningarmálanefnd fer með menningarmál eftir því sem nánar er kveðið á um í samþykkt bæjarstjórnar um nefndina. Nefndin fer með málefni bókasafna skv. ákvæðum laga um almenningsbókasöfn. Einn fulltrúi frá Kjalarneshreppi og einn fulltrúi frá Kjósarhreppi skulu sitja fundi nefndarinnar þegar fjallað er um málefni Héraðsbókasafnsins. Nefndin er bæjarstjórn til ráðuneytis um verndun gamalla húsa og fornra minja skv. þjóðminjalögum. Nefndin fer með vina-bæjasamskipti, málefni félagsheimila, hefur umsjón með listaverkæign bæjarins og fer með málefni Lista- og menningarsjóðs bæjarins.
 7. *Skipulagsnefnd*. Fimm aðalmenn og jafnmarga til vara. Bæjarstjórn kýs formann og varaformann nefndarinnar. Nefndin fer með skipulagsmál samkvæmt ákvæðum skipulagslaga og önnur verkefni eftir því sem nánar er kveðið á um í samþykkt bæjarstjórnar um nefndina. Nefndin fer með verkefni umferðarnefndar skv. umferðarlögum.
 8. *Fræðslunefnd*. Fimm aðalmenn og jafnmarga til vara. Bæjarstjórn kýs formann og varaformann nefndarinnar. Fræðslunefnd fer með fræðslumál eftir því sem nánar er kveðið á um í samþykkt bæjarstjórnar um nefndina. Nefndin fer með verkefni skólanefndar skv. lögum um grunnskóla og verkefni leikskólanefndar skv. lögum um leikskóla. Nefndin fer enn fremur með málefni tónlistarskóla skv. lögum um fjárhagslegan stuðning við tónlistarskóla.
 9. *Íþrótt- og tómstundanefnd*. Fimm aðalmenn og jafnmarga til vara. Bæjarstjórn kýs formann og varaformann nefndarinnar. Nefndin fer með íþrótt- og tómstundamál eftir því sem nánar er kveðið á um í samþykkt bæjarstjórnar um nefndina.
 10. *Veitu- og umhverfisnefnd*. Fimm aðalmenn og jafnmarga til vara. Bæjarstjórn kýs formann og varaformann nefndarinnar. Nefndin fer með umhverfismál eftir því sem nánar er kveðið á um í samþykkt bæjarstjórnar um nefndina. Nefndin fer með vatnsveitu-, hitaveitu- og fráveitumál. Hún fer með verkefni náttúruverndarnefndar skv. náttúruverndarlögum og verkefni gróðurverndarnefndar skv. lögum um landgræðslu. Nefndin fer með verkefni fjallskilanefndar skv. fjallskilareglugerð og hefur umsjón með búfjárefirliti skv. lögum um búfjárhald.
- (ii) **Samstarfsnefndir**. Hér er um að ræða tilnefningar í samstarfsnefndir sem hafa endanlegt ákvörðunarvald í málefnum sínum, þ.e.a.s. þurfa ekki staðfestingu bæjarstjórnar til að koma málum í framkvæmd.
1. *Almannavarnanefnd*. Samkvæmt ákvæðum laga og reglugerða um skipan almanna-varna kýs bæjarstjórn aðal- og varafulltrúa í almannavarnanefnd á fyrsta eða öðrum fundi nýkjörinnar bæjarstjórnar og er kjörtímabil þeirra hið sama og bæjarstjórnar.
 2. *Heilbrigðisnefnd Kjósarsvæðis*. Samkvæmt ákvæðum laga um hollustuhætti og heilbrigðiseftirlit kýs bæjarstjórn tvo aðalmenn og tvo til vara í heilbrigðisnefnd Kjósarsvæðis á fyrsta eða öðrum fundi nýkjörinnar bæjarstjórnar og er kjörtímabil þeirra hið sama og bæjarstjórnar.
- (iii) **Lögbundin kosning embættismanna**. Samkvæmt lögum ber bæjarstjórn að kjósa eftirtalda embættismenn:
1. *Skoðunarmenn bæjarsjóðsreikninga*. Bæjarstjórn kýs tvo skoðunarmenn og jafnmarga til vara skv. sveitarstjórnarlögum. Skoðunarmenn bæjarsjóðsreikninga eru fyrst kosnir á fyrsta eða öðrum fundi nýkjörinnar bæjarstjórnar og síðan í júní ár hvert vegna næstkomandi ársreikninga.

(iv) **Verkefnabundnar nefndir.** Bæjarstjórn getur kosir nefndir (lausanefndir) til að vinna að einstökum afmörkuðum verkefnum. Umboð slíkra nefnda fellur niður við lok kjörtímabils og fyrr ef verkefni nefndar er lokið. Bæjarstjórn getur þó afturkallað umboð slíkra nefnda hvenær sem er. Bæjarstjórn útbýr erindisbréf fyrir nefndirnar þar sem hlutverk og staða þeirra er skilgreind.

7. gr.

63. gr. samþykktarinnar fellur brott.

8. gr.

5. mgr. 65. gr. samþykktarinnar orðast svo:

Bæjarritari er staðgengill bæjarstjóra í forföllum hans nema bæjarstjórn ákveði annað.

9. gr.

2. málsl. 1. mgr. 67. gr. samþykktarinnar orðast svo: Þeir hafa, eftir því sem við á, sömu réttindi og skyldur og starfsmenn ríkisins.

10. gr.

1. málsl. 68. gr. samþykktarinnar orðast svo: Um ráðningu annarra starfsmanna en kveðið er á um í 66. gr. skal farið eftir því sem bæjarstjórn hefur ákveðið í starfsmannastefnu sinni.

Ákvæði til bráðabirgða.

Eftir gildistöku samþykktar þessarar kýs bæjarstjórn í nefndir skv. B-lið (i) 6. gr. samþykktar þessarar til loka yfirstandandi kjörtímabils.

Samþykkt þessi sem bæjarstjórn Mosfellsbæjar hefur sett samkvæmt ákvæðum 3. mgr. 7. gr. og 49. gr. sveitarstjórnarlaga nr. 8/1986 staðfestist hér með til að öðlast þegar gildi.

Félagsmálaráðuneytinu, 4. nóvember 1996.

F. h. r.

Sigríður Lillý Baldursdóttir.

Sesselja Árnadóttir.

REGLUGERÐ

um varnir gegn útbreiðslu riðuveiki og bætur vegna niðurskurðar.

I. KAFLI

Almenn ákvæði.

1. gr.

Eigendum og umráðaaðilum sauðfjár er skylt að tilkynna héraðsdýralækni án tafar ef riðuveiki gerir vart við sig í fjárstofni þeirra eða ef grunur leikur á að sjúkdómurinn leynist í sauðfénu.

Héraðsdýralæknir skal tilkynna yfirdýralækni um sjúkdóminn og fylgja fyrirmælum hans um töku og meðferð á sýnum eða lifandi kindum sem senda skal til rannsóknar.